



Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorūmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

A. Avaritia.

urn:nbn:de:hbz:466:1-41214

A.

AVARITIA.

217. **D**efinitur, *appetitus inordinatus habendi*, seu immoderatus amor, cura & sollicitudo aquiriendi & retinendi pecunias, divitias seu bona temporalia. Opponitur virtuti liberalitatis secundum excessum; & per se ex genere suo solum peccatum veniale est; utpote excessus in re aliis indiferenti & licita. At verò per accidens nimis saepe mortale fit. I. Ut v. g. quando repugnat charitati Dei, cum scil. homo adeò inordinate appetit divitias, ut in eis ultimum finem constituat, paratus ob eas legem Dei violare, atque adeò amicitiam Dei, curamque salutis omnino postponat vel excludat; Quod significare voluit Christus Matth. 6. Nemo potest duobus dominis servire: aut enim unum odio habebit, & alterum diligit; aut unum sustinebit & alterum contemnet (statim intulit) non potestis Deo servire & Mammonæ, ita scil. ut in divitiis totum affectum, curam, sollicitudinem, spem ac quasi ultimum finem constituatis: sic enim Deo contempto, Mammonæ pro Deo servietis. Unde emphaticè Apostolus avaritiam dolorum servitutem appellavit. Idque verum est etiam, si divitiae injuste aquisitæ non essent, non ergò glorietur avarus, quod nihil rapuerit, nullum violentus oppresserit. Hoc ipso enim, quod excessivo amore in divitias feratur, ut dicto modo charitatem Dei excludat, peccat mortaliter & ab Apostolo Idololatræ comparatur.

II. Avaritia fit peccatum mortale, quando re-
pug-

pugaat graviter Charitati vel justitiæ erga proximum, utpote immodico habendi amore, aut injustè auferendo, vel detinendo rem alienam, aut duriter non succurrendo extremiæ vel gravi proximorum necessitati. Quin etiam, ut benè notat *Toletus l. 7. c. 25.* Avaritia non tantum sœvit in alios, sed etiam in ipsum avarum prohibendo eum, ne vel suis utatur ad necessitatem vel sufficientiam, hi nim. ultra peccatum etiam insaniunt.

III. Avaritia denique post superbiam meritose cundo loco numeratur inter Capitalia; quia re vera plurimorum peccatum caput & causa est, cuius proinde 7. filiæ enumerantur à S. Greg. l. 31. Morol. c. 31. videlicet obduratio, Inquietudo mentis, Proditio, Fraus, Perjurium, Fallacia, Mendacium, quæ passim apud summistas explicata invenies.

Remedia contra Avaritiam.

218. I. Ubeat Confessarius considerare malitiam

Aavaritiae: nam *avaro nihil est scelestius*, teste Ecclesiastico: & juxta S. Paulum: *Avaritia est simulacrum servitutis*. Item radix est omnium malarum cupiditatum, quam quidam appetentes erraverunt in fide, & inferuerunt se doloribus multis, tales incident in laqueos diaboli, ut experti sunt Judas, Giezi, & Euclio ille, cujus cor post mortem inventum est in arca: ut & ille, qui pecuniam sensu inspersam devorans suffocatus est: item Reginherus Misniæ Episcopus, qui in cubiculo inventus est mortuus ruptis cervicibus thesauro suo incubans: item dives, cujus anima à nigris equitibus ad tartara raptata est.

II. Cor